



Adresa: ul. VARDA br. 40D, 88400 KONJIC
Telefon: +387 36 727 576; 727 469; 725 843
Registrovano kod Općinski sud u Mostaru broj: Tt-O-641/10
Matični broj: 1-1986
Transakcijski računi broj:1020080000030089 Union banka;
1346721006763856 ASA banka; 1990530009111158
Sparkasse banka; 3060120000412117 Addiko Bank

ID BROJ: 4227268200001
PDV BROJ: 227268200001

Broj: 02-272-3/22
Konjic, 15.07.2022.godine

Na osnovu člana 64. stav (2), člana 70 stav (1) i (3) Zakona o javnim nabavkama Bosne i Hercegovine („Sl. glasnik BiH,“ broj 39/14), člana 6 Pravilnika o direktnom sporazumu JKP "Vodovod i kanalizacija" d.d. Konjic direktor donosi,

ODLUKU

O izboru najpovoljnijeg ponuđača za nabavku usluga - održavanje računara putem direktnog sporazuma.za 2022.god.

Član 1.

Prihvata se preporuka Komisije za javne nabavke i za najpovoljnijeg ponuđača za nabavku usluga održavanje računara putem direktnog sporazuma proglašava se **TR ESCAPE Konjic**, čiji prijedlog cijene iznosi 12,82 KM bez PDV-a po satu.

Član 2.

Ostale ponude po ovom direktnom sporazumu bile su sa višim cijenama od gore navedene kako slijedi:

Ponuđač SMARTSOFT PROZOR RAMA sa cijenom: 60,00 KM bez PDV-a.
Ponuđač INTERFACE d.o.o. Konjic sa cijenom 29,70 KM bez PDV-a.

Član 3.

Ugovorni organ će zaključiti ugovor sa ponuđačem TR ESCAPE KONJIC kao najpovoljnijim ponuđačem u skladu sa članom 6. stav (7) Pravilnika o direktnom sporazumu JKP "Vodovod i kanalizacija" d.d. Konjic br. 01-414-5-2/15 od 16.11.2015.godine.

Član 4.

U postupku donošenja ove odluke, posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda, u skladu sa kriterijima iz zahtjeva i poziva.

Naime, u postupku je ocijenjeno da je Komisija za javne nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskim dokumentom. Uvidom u prikloženu dokumentaciju, nesporno je da je izabrani ponuđač najpovoljniji.

Član 5.

Odluka se dostavlja svim ponuđačima koji su poslali prijedlog cijene za predmetnu nabavku. Na pomenutu odluku, u skladu sa Zakonom o javnim nabavkama, ponuđači nemaju pravo žalbe.

Član 6.

Ova odluka stupa na snagu danom donošenja.

S poštovanjem

DIREKTOR

Dženamir Hasagić, dipl.ing.građ.



DOSTAVITI:

- TR ESCAPE KONJIC
- SMARTSOFT PROZOR RAMA
- INTERFACE d.o.o. KONJIC
- a/a

UGOVOR

O PRUŽANJU USLUGA ODRŽAVANJA RAČUNARA I RAČUNARSKE OPREME

UGOVORNE STRANE:

1. **JKP "VODOVOD I KANALIZACIJA" d.d. KONJIC**, ul. Varda 40 D, registarski broj: Tt-O-641/10 upisan kod Općinskog suda u Mostaru, ID broj: 4227268200001, PDV broj: 227268200001, koga zastupa direktor Dženamir Hasagić, dipl.ing.građ., kao naručilac usluga (u daljem tekstu: **Naručilac**).
2. **TR ESCAPE KONJIC**, Trg državnosti bb, 88400 Konjic, vl. Draganić Dragan, kao Izvršilac usluga (u daljem tekstu: **Izvršilac**).

PREDMET UGOVORA

Član 1.

Predmet ugovora je usluga održavanja računara i računarske opreme za potrebe JKP "Vodovod i kanalizacija" d.d. Konjic, prema dostavljenom zahtjevu.

Član 2.

Ovim ugovorom reguliše se način vršenja usluga, način plaćanja i drugi uslovi u vezi sa korištenjem usluga koje su predmet ovog ugovora.

Član 3.

Ugovorne strane su saglasne da će usluge koje su predmet ovog ugovora **Naručilac** koristiti sukcesivno, prema potrebama, a najviše do iznosa procjenjene vrijednosti u planu nabavki.

Član 4.

Izvršilac se obavezuje da, ukoliko **Naručilac** prijavi kvar do 12 sati, vrijeme odaziva bude istog dana, a ukoliko je kvar prijavljen poslije 12 sati, vrijeme odaziva bude istog dana ili narednog u jutarnjim satima.

Izvršilac je saglasan da **Naručilac** može zatražiti vršenje usluge izvan redovnog radnog vremena, u ranije najavljenim terminima.

Ugovorne strane su saglasne da se prijava kvara može izvršiti elektronskim putem, faksom ili poštom.

Izvršilac se obavezuje da usluge koje su predmet ovog ugovora, izvrši u roku od 24 sata od momenta izlaska na teren, stručno i kvalitetno.

Izvršilac je dužan da obezbjedi garanciju za izvršenu uslugu i na ugrađene djelove.

Odgovornost za štetu koja nastane zbog vršenja usluge snosi Izvršilac.

CIJENA USLUGA I NAČIN PLAĆANJA

Član 5.

Cijena usluga iz člana 1. ovog ugovora bez uračunatog PDV-a, iznosi 12,82 KM po radnom satu, a u koju nije uračunata vrijednost rezervnog dijela i materijala, koja se iskazuje - fakturiše naknadno. Ugovorena cijena je fiksna i ne podliježe promjenama.

Član 6.

Naručilac se obavezuje da plaćanje usluge koja je predmet ovog ugovora vrši na tekući račun Izvršioca, po okončanom poslu, u roku od 15 dana od dana prijema ispravne fakture.

Član 7.

Izvršilac je dužan da predmetne usluge, po pravilu, vrši u prostorijama Naručioca.

U slučaju kada uslugu nije moguće izvršiti u prostorijama Naručioca, Izvršilac je dužan da uslugu vrši u svom servisu.

Ukoliko izvršilac nije u mogućnosti da pruži neku od usluga u svom servisu, dužan je da obezbjedi pružanje usluga u servisu sa čijim izborom se mora saglasiti Naručilac.

ZAVRŠNE ODREDBE

Član 8.

Ugovorne strane su saglasne da se na sve međusobne odnose, koji nisu definisani ovim ugovorom, neposredno primjenjuju odredbe ZOO, i propisa koji regilišu predmetnu materiju.

Član 9.

Za sve eventualne sporove po osnovu ovog ugovora, koje ugovorne strane ne bi mogle sporazumno riješiti, nadležan je Općinski Sud u Konjicu.

Član 10.

Ugovorne strane su saglasne da je ovaj ugovor zaključen na period od godinu dana, računajući od dana zaključenja ugovora.

Član 11.

Ovaj ugovor je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

ZA NARUČIOCA USLUGA

Direktor

Hasagić Dženamir, dipl.ing.građ.

Broj:02-312/22

Konjic, 15.07.2022.god.

ZA IZVRŠIOCA USLUGA

TR. Vlasnik

ESCAPE
KONJIC

Dragan Draganić